

天真閣集

天眞閣集卷三十四

詞二

昭文 孫原湘 子瀟

橫波館梅花三弄

鳳凰臺上憶吹簫

夕眺

孤鴈投蘆疎鴉點柳偏憐暝色高樓把曲闌凭遍夕照橫秋古
往今來何極閒雲蕩楚水悠悠人何處淒清畫角聲斷涼州
颼颼暗風起也吹落葉天涯總在心頭記昔同遊處萬綠雲流
今日湘簾重卷空枝漏片月如鉤還凝望天邊亂帆不是歸舟

滿江紅

春情寄遠

我已傷春偏生對病花狂絮簾乍卷綠陰庭院弄晴如雨燕守

單棲還自語。蜨懷孤悶。憑誰訴。墜小窗殘燬。亂於雲。渾無據。
蟾未落。雞將曙。分手地。銷魂處。盼紅牆。三尺碧天無路。惆悵前
歡難再補。思量後約。終成誤。把此情交付與。清江潮來去。

燭影搖紅

待不思伊。又將伊向心頭貯。幾番拋撇。定重來似影。難離步影。
有時還暫去。未如伊牽人意緒。偶逢花笑。心欲他飛。教伊兜住。
睡去應休。小窗瞥見驚鴻度。隔屏纔轉。已飄然失了。迷藏處。
乍起褰幃。四顧認芳蹤。猶停繡戶。屢聲徐點。誰道簷前綠蕉疎。
雨

滿江紅

秋聲

仙馭來時起。一陣蕭蕭。太空披衣向玉階。尋覓環佩無蹤。扇扇

簾波寒蕩碧星星燈藥冷搖紅只打窗微雨響疎疎月正中
纔凝竚來暗蟲乍消歇又哀鴻送一天秋思盡上睂峯成賦庾
郎搔短髮依人王粲恨飄蓬料箇儂今夜寢遶西無路通

齊天樂

雨夜聽塔鈴感賦

相思已苦長懸繫遙空更聞秋語四角風高孤輪夜靜自訴郎
當如許西窗暗雨正密響廉纖動人離緒和入淒音未容詩瘦
趁秋去 宵深似聞暫住又商飈一陣搖蕩無主放鴿雲邊籠
花網底無此聲情酸楚聽殘更苦似別怨零星咽難成句任爾
枯禪也縈愁萬縷

揚州慢

感舊

猶記當年水西樓下一絲宛轉簫聲卷珠簾十里正璧月盈盈
自桃葉江干別後舊遊池館芳艸無情賸雕梁新燕春風私語
淒清竹西鼓吹待花時仍理瑤笙縱舊曲依然雙鬢不見何
忍重聽十二玉欄尋遍前塵癡苦不分明問紗窗梅萼因何吹
落還生

賀新郎

落花

欲埽何如罷問誰教紅情爛漫霎時開謝開到春光三分足畱
取含香姬妬莫盡把春心傾瀉情極濃時情須變忍于情纔是
真情者凡事好用情乍深闥在對東風罵縱零星收來釧盒
豔竟先化盼得明年開重好須是西施再嫁已不是今年春也
我有心頭無窮淚借傷春細向尊前灑不得已醉姑且

減字木蘭花

梅花飛了雪滿空階
憐不埽似艸閒情
纔著東風已遍生樓
高天迴孤影立殘斜
照冷又是黃昏一陣
廉纖雨閉門

更漏子

白鷗波青雀舫載去
玉人天上花宛宛
柳依依豈知人別離
曩雲鞦眉山鎖
莫更回頭望我兩處
淚一時流春潮長不休

菩薩蠻

碧桃花裏牽裾別
歸期訂說秋時節
若是誤歸期
須憑儂怨伊
便教歸計緩
爭忍將伊怨
真箇到相逢
還愁伊怨儂

生查子

待得月初高
久已花陰立
身願似金錢
只有圓無缺
花已不
禁寒月亦愁
成別身莫似
金錢一任人
拋擲

一落索

櫻桃花

好是半開時候。嬌情初逗。不施紅粉越風流。只畧比桃花瘦。
妝罷下階閒走。折來纖手。問伊枉費買春錢。有似此人兒否。

菩薩蠻

隔年準備今朝淚。不曾真箇心先醉。及至淚難垂。始知真別離。
東風吹細雨。儂自開帆去。不忍送郎行。反教郎送行。

卜算子

天上月初虧。人也初離別。月易虧時卻易圓。人不如明月。寬
了十年期。總有歸時節。人若重圓不再虧。月滿終須缺。

祝英臺近

夏夕閨情

一叢花花上露花底一鉤月卸了金簪未是睡時節惱他簾影
移風蕩搖無定索重把玉鉤高擲竹陰碧逗出幾點涼螢將
飛又旋歇喚起雙鬟閒庭試尋覓誰知閃過雕闌悄無蹤影卻
渾似箇人心活

釵頭鳳

蓮籌寂蘭缸滅竹西樓暗東風入霏霏露濛濛霧半鉤斜月到
花深處住住住湘簾密湘雲碧洞天來往春無蹟鳥啼樹天
將曙板橋霜滑少人行路去去去

江城梅花引

瞥然清影小窗西是雲移是花移豆蔻梢頭初月與檐齊銀燭
自吹簾自下纔寢也又參橫翠鳥啼鳥啼鳥啼曉寒淒雲滿
衣霜滿蹊挽也挽也挽不住花下分飛萬里長風吹不斷情絲

但得兩心常一意拌百歲要相逢有後期

小闌干

美人吹簫圖

桐陰向晚碧雲流深院鎖清幽撩鬢風疏襲衣涼嫩微溜玉搔頭
鳳簫譜出同心曲心事果同否落葉聲中明河影裏吹老
一天秋

浪淘沙

別緒

去去不須留只與天謀釀成飛雪凍河流勝似柳絲千萬縷挽
住行舟留也使人愁凍解還休重來知道果來不只有相思
難閒阻各自心頭

少年游

瀟湘如畫羅浮如夢輪與此中行燕尾溪邊桃花影裏同聽玉
簫聲 夕陽紅戀梢頭柳不抵此時情水遠燈昏坐來尤近心
迹自分明

浪淘沙

花不管風吹吹去還來謝嬾妝閣更休開便要開時須記得莫
下閒階 瘦了遠山睂綠了天涯小窗和雨癡蒼苔搖蕩玉鈎
簾自卷燕子還猜

繫褰腰

箇人病況

夕陽庭院起來遲偏又值落花時便教不是落花時簾寂寂風
剪剪已難支 爲誰消減玉丰姿休道是爲相思假饒真箇爲
相思心上事睂頭恨問誰知

洞仙歌

佳期七七算良緣剛巧攜入青山萬峯笑向洞天深處細語輕
憐低頭拜心事佛應知道 人閒秋暑在此地偏涼玉笛吹開
碧雲嫋若箇肯移家儂願相隨早晚把落花親埽任林外斜陽
促歸舟還瘦影低徊自憐清沼

又

滿湖秋月似隨儂歸艇載得蛾睂兩相映只偷攜素手已夠消
魂爭禁得飛墮懷中風韻 麗譙更二點泊近紅橋睡也初濃
喚何忍好癡向誰圓一片梨雲偏借我清臞當枕漸冷露無聲
溼銖衣倩花影扶歸索須推醒

又

昨宵佳約記香盟提耳若再遊移有如此聽銅鋪乍響金翦先

停飛鴻影笑出畫簾來矣 相攜閒眺遠小閣窗開一朵芙蓉
落睂際頃未叩門時儂已先知見君在碧峯遙指儂不信雲英
盼君深試走上層巔望儂家裏

又

一襟秋思被雨絲沾溼越要相拋轉親熱把寒暄語翦喜愠顏
收先詰問底事愆期前日 不來由得汝偏說曾來除是清覓
趁蝴蝶今日算尋盟身到花閒又癡向那家枝葉若果道文君
秀堪餐當燮燮淒淒餅須應說

又

題餽令節值文園初起煙外尋秋踏新霽看遠山睂黛勝似看
山也算得翻盡登高成例 丁嬾歌十索衣帶須長好把同心
一條繫妾是拒霜花卽是西風受披拂今生能幾且堅訂蘭期

月明時若無意團圓也由君意

又

昨宵寢汝恠朝來偏應還道西窗寢中認恁編衣雲冷翠裊天
寒宛然是一樹玉梅清影 含情千萬語引過閒房步步留心
有人聽究竟別無言單問郎心何日把滾盤珠定莫醉膽無聊
語人前指瑟瑟珠囊口如伊緊

蘇幕遮

雨纔晴晴又雨天尙難憑何況人情緒樓掩寒雲雲護樹欲寄
傷心惟有秋知處 帶圍鬆睂翠聚刻意悲秋秋卻終無語病
葉卷將秋思去一陣西風又送愁邊住

踏莎行

短牕憐花孤行惜草一庭綠鎖春愁老不知十二箇時辰爲誰

情緒空顛倒 測日圭圓指南鍼小玉纖拈弄偏輕巧碧梧陰
細漏斜陽一天又是閒過了

鵲橋仙

茗煙如水窗光似雪黑白一奩相對問郎輸了作何償願轉背
麻姑搔背 滿斟不飲淺斟不飲辭說文園新瘥如何翻喜食
酸涼便奪下黃柑休怪

念奴嬌

十一月十五夜月色甚皎

高寒如許到黃昏洗得絲絲雲淨四角星河齊凍色獨有珠光
圓迸樹斂棲煙潭凝古澹烏鵲都無影青天一片與人心迹同
冷搔首試問姮娥無人相賞爭不全身隱舊恨瓊樓脩未了
新恨旋虧冰鏡萬籟沉空千家人寢清氣誰消領月猶如此耐

寒梅萼須省

采桑子

東風如此寒猶峭
窗外梅花窗裏如花
隔著輕雲一片紗
踏
青挑菜都過了
二月韶華
二十年華
守定紅窗日又斜
連理枝

花朝卽事

十二三天氣
十二三年紀
如此初春寒輕癭淺
最銷魂地倩東
風喚醒百花
竟有一分開未
鬪草輸偏避
鬪酒贏偏記
道不
知情
睂梢眼角也含愁意
只背人苦苦問相思
是恁般滋味

西犯令

乍睹明眸星兩點
宛似常相見
記得有人雙嬌眼
還比似卿流
轉
送汝青綾鴛帳畔
好與持團扇
詠絮簪蘭鄰學過
更偷學

橫波翦

鵲橋仙

梅花爲春寒所勒二月旣盡玉英始敷凍雨又至踏溼
於林臯墮粉欲泮清香襲人拂之不去心乎愛矣撫玩
空枝彌愜幽賞

深寒耐過輕寒耐過纔放暗香微吐花時能得幾回看又日日
風風雨雨冰肌雖減玉顏無改敢道美人遲暮任教明月挂
空枝也林下低徊如故

增字漁家傲

裊裊娉娉年紀小十索歌成索寫崔徽貌雙頰芙蓉都畫了還
未肖清臚重點神纔到 泫脫拈花微欲笑左右看來總覺橫
波俏人道不如真面好佯作惱背人偷取菱花照

眼兒嬌

能有心頭幾多情秋水一雙橫聰明只在靜中忽溜衆裏先迎
有時絕不輕廻顧心事自分明消魂更是睡情纔上醉態微
呈

減字木蘭花

一簾飛絮欲去遲留還未去小立輕寒原是來時共倚闌重
來雖說何似今番休遽別旣別休思只當從前未見時

散天花

細雨房櫳玉一窩可無雙酒暈入橫波越羅裊袂晚寒多未妨
移坐近沒人過 驀地閒愁上翠蛾問伊愁底事儘延俄只除
纖手許摩挲索將伊放去看如何

青玉案

重簾細雨朝如暮。但目斷橫塘路。起覓春情春久去。一雙蝴蝶。一聲鶉鴝。驀地來神女。風鬟霧鬢清如許。碧沼紅欄儘延佇。更喜晚晴晴又雨。竹和伊瘦。花和伊語。雲也留伊住。

合歡帶

瑤臺飛下春聲道。歡笑轉淒清。天上桃花客。埽盡只閒愁。埽去還生。尙長語。短杯深酒。淺盡是聰明。縱銀灣不多春浪。一重還礙雲行。半酣心事更縱橫。是多情。是無情。欲住依然畱不住。怕人疑嫁了雲英。何如去也。香邊癡裏。轉得圓成。約重來玉簫親譜。莫教空與海棠盟。

東風第一枝

絕色無華。高情不媚。寒梅生就風致。自來無意。人知甚處更逢。素莽生香一掬。只暗墮詩人懷裏。又怎知冰雪清寒已受。燕猜

驚忌 休到眼舊愁挂繫須努力瘦芳靜寄未經水樣相思詎
識箇中俊味安排金屋看秀佩歸來天際便隴頭驛使音沉玉
管定還吹起

一斛珠

癡中天上白雲消盡紅塵想玉簫吹得仙心蕩碧落無情明月
玻璃響 門外長江翻雪浪如何洗得天惆悵扁舟此去重來
儻落了桃花人面應無恙

沁園春

美人瞳神

是也非耶秋水爲之其中有神是依稀月裏素娥原幻朦朧波
底湘女非真雛婢看時嬌兒對處各現玲瓏最小身卽來矣笑
你中有我我亦藏卿 憑他妙手如生到箇裏妍媸畫不成縱

謝家偏視全神應現徐孃斜盼半面猶呈春倦微含香眠小合
暫掩橫波秋一泓晨妝啓訝鏡中惟我眼底何人

又

美人頰暈

素面無瑕驀地春雲橫生媚姿看晶屏掩映休猜獺髓瓊奩洗
淨慢認燕脂曆笑堆餘眼波橫處一朵桃花透雪肌風前立認
落紅無賴飛近蛾眉教誰說著相思卻贏得羞顏難閃移算
酒痕暝泛終輪濫濫枕稜淺印只有絲絲婢慙纔逢郎歸太緩
剛在嬌瞋伴怒時鴛衾展奈睡情微上漸不勝支

又

美人鬢影

如霧如煙看不分明輕綃半籠似新蟬彈翼抱枝婀娜寒鴉拖

尾隱葉蒙茸，釵拂春雲奩。開秋水還怕，雙鬢梳未工。纖纖手把
約黃小鏡，反照玲瓏。低頭穿過花叢，恐抓著些兒，看水中更
晚妝燈下，頻加整掠。迷藏月底，漸慮蓬鬆粉面，羞回金釵，側露
蕩漾疏簾一扇。風尤嬌絕，是見人驚避，背影匆匆。

又

美人肌香

生小高情縱有奇，香鴛爐怕薰。卻性中蘭蕙，得來清氣，胎中豆
蔻，結就靈芸。暝護羅襦，紫藏珠袜，未許同胞姊妹分。雲窩底，只
檀奴有福，燭滅親聞。人前忽透氤氲，被無賴東風，掀翠襲更
一絲嬌喘，韻攪餘麝，四支紅軟。息帶微醺，暗不防偷寒，能自辟
脩到梅花，惟此君還須禁怕，和衣懷去，漏出清芬。

琴調相思引

睡起重臨午鏡遲髻花刪卻半蕙枝消魂香在拾取慰相思
若使鬢邊簪曉露那容頭上嗅芳姿受人憐處偏在已殘時

蜨戀花

月滿秋窗花欲語引過閒房步步相迴顧蘭篆雙縈煙縷縷箇
人情意濃如許竹響騷騷蟲絮絮底事持燈苦要催人去一
曲紅蘭雙影度他年又是傷心處

又

小榻安燈紅似豆一尺腰支三尺衾兒厚雙枕並頭排玉藕妙
蓮香自中心透聽徹沉沉銀箭漏無計畱君寢也能畱否記
取相思休出口怕人說著新來瘦

又

綠酒生鱗銀蠟凍莫說明朝對面先如癡月又漸低雲又擁壓

簷天亦濃無縫 報道潮來帆欲動怕送郎行反索郎相送珍
重一聲雙淚湧願將紅豆他生種

浪淘沙

題畫中人

道是意中人卻又非真那些兒像玉丰神只在雙眉纖秀處又
帶微顰 不是意中人爲甚偏生綠棋花下著卿身幾日相思
纔放下兜起重新

賀新郎

惱花

把酒東風裏問花枝金鈴未動爲誰搖曳記得含葩初放日一
點春情暗遞爭轉眼全舒芳意對我朱顏渾似笑對他人笑口
依然啓休信道爲知己 看花祇合無人地忍清寒攀條弄影

獨諳情味到得枝頭紅爛漫
讓與遊蜂競戲奈苦向雕闌頻倚
任爾低徊看不足怕西鄰偷折牆頭易思舊癭且休矣

又

花答

花亦神淒絕道深情將伊錯惱未知憐惜人自見花嬌如笑花
豈曾舒笑靨祇不合天生容質一種嫣然春無那對人前難晦
傾城色爭禁得被人識君如金屋藏春密到花時葳蕤緊護
有誰攀折錦樣洞天無拘管容得東風引入卻轉怪香憑人竊
輾轉思量還添恨恨生香難謝閒蜂蝶心一點向誰說

摸魚兒

贈別

問門前一條春水載將春向何處思量總是天多事多卻者番

相聚天不語天也趁東風漏下絲絲雨空畱暫住任一片輕雲
化爲帆影索性放伊去香邊約不怕良緣暗阻愁伊來又如
許何如并作今番別省了淚珠無數卿自苦偏說要更番繡出
傷心譜重來定否算只有將情磨成并翦翦斷碧溪路

霜天曉角

畫櫺

欲畫伊身畫中難笑顰寫取花中絕色聊當箇意中人風神
高可親天姿尤絕塵只算全身描出描不出性情真

八六子

醉臥古櫺花下

忍清眠滿身香雪分明癡入瑤天縱惻惻寒欺霍瘦淒淒風襲
衣偏詩覓自仙因緣知癡誰邊月影潛來依傍煙痕曲與纏

綿一任他星河弄春徐轉玉爐香滅翠尊波淺那禁醉魄和雪
盡輾狂心隨蜨俱顛正悠然飛花又驚素絃

沁園春

藤釧

約腕同圓襯出玲瓏輕衫乍更認一圍束處綢繆有印十分熟
後滑膩無聲鬱桺爲卮盤樓作髻屈曲隨人是性生纏絲意問
誰將圈子籠絡卿卿幾回摩弄鮮明爲珍重繁欽舊定情看
除方晨盥霽濡恐折壓當午睡熨貼疑平白玉連環黃金條脫
柔婉偏輸此種輕纖痕陂記那回深夜齧臂盟成

蜨戀花

作意畱春畱不住風欲畱時雨卻催將去懊惱春光全沒主如
何只聽啼鶯語盼得新晴雲縷縷天也多情畫出人離緒蛛

網自憐無用處落花兜罷兜飛絮

聲聲慢

雨窗賞未開綠萼

清尊易泣拍徧闌干枝頭翠羽寂寂水墨天低遮斷綠華消息
黃昏一陣兩陣作弄他嫩寒時節舊癡遠奈春痕索徧玉階無
蹟只有輕煙搖碧幾時見羅浮月邊晴雪又怕東風貼上箇
人粉額瑤妃慢呈笑齒正相思如此濶絕且醉也更莫管窗外
點滴

情長久

長眞閣古梅八月作花疏香數點而清豔獨絕深夜徘徊
花下月如雪心如冰矣

已教管領春光又奪清秋色想萼綠豔情灰後寒焰重熱冰心

持不定桂輪裏飛下嬌娥怨魂倚銀燭綃裳弄影素佩凝香還
認是元宵節黃蜨偷窺瘦玉曾相識訝綠葉已成陰後風韻
如昔還愁商意緊被冷笛吹上深宮粉額算相見原非癡裏不
是圖中秋思幻春消息

卜算子

刻骨此相思無計能飛越瞥見天邊月一輪人不如明月明
月縱然圓乍滿旋虧缺人願清輝夜夜圓不願如明月

霜天曉角

梅

情孤韻潔不要春憐惜蝴蝶乍來還去祇認是一庭雪夜色
看又別折時何忍折惟有舊時明月相見了共淒絕

八聲甘州

春夜寒甚悵然賦此

問東風何事弄春寒。飄搖篆烟斜對一燈孤。影蕭蕭。短髮飛雪。
愁加轉憶玉堂清。癢除說與梅花。推出窗前月。任向誰家。可
惜畫橋新漲。載片雲西去。不載仙槎。縱後遊堪補。孤負此韶華。
待重尋。隔簾雙燕。怕舊痕畫斷。小紋紗。休凝望。料閒鷗外。綠了
天涯。

好事近

初意覓幽歡。蹤迹怕人猜料。阿姊有心。窺伺早。花間尋到。未
容卷起。襲羅看。蛇醫驗分曉。且索一雙纖手。數螺紋多少。

摸魚兒

雨中送春

挽風前。萬絲楊柳。思量休放春去。便教常在春邊。潛已是亂絲。

無數難挽住偏放著一條紅浪春歸路花全不語任泛泛魚兒
輕憐薄怨沿岸細吹絮尋君約只是當時自誤如何翻怕人
妬濃煙暗雨天難醒有恨莫憑天訴雙燕舞燕尙解啣花細補
香泥土東皇太苦算去了重來不如休去去又向何處

沁園春

只道休休底事還來教人眼穿問當時密誓而今安在昨朝爽
約何處流連詰總無言呼伴不應身在儂邊心那邊桃肌瘦爲
誰人小病絕不相憐情真薄似秋煙尙假說多情向我偏怪
一痕脂染情蹤詭秘一絲髮繫心緒縈牽對卷常吁逢花便笑
薄倖瞞人須有天聽耶否料暫時低首過後依然

洞仙歌

秋泛戲贈

瀰瀰漲水載渡頭桃葉卻喚桃根共持楫愛閒園蕭瑟古木清
華貪延佇細雨不知衣溼且沽桑落酒纖手斟量勸了黃花
勸諸客誰是意中人笑坐懷中竟不顧坐中人嫉我轉怪卿卿
太嬌憨但小妹當前也須嫌別

又

枕溪斜屋認絲絲秋柳似向當門學垂手喜芳姿小別相見依
然遲幾日定與黃花同瘦莫提前日癡且約新歡又怕人前
坐難久無計教遲遲喚取雲漿偏閣在鏡邊香右便畱也空畱
送還休只一點秋心背君拚守

菩薩蠻

一堆香雪寒宵癡一絲斜月披衣送此景怕思量思量已斷腸
無心逢畫裏往事重提起畫可當伊看教伊入畫難

洞仙歌

蘭風子梁於白門寄菩薩蠻十闕名曰秋痕詞讀之豔思渺慮蕩我心鬼賦此解答之

寂寥正苦有長干雙鯉葉葉相思囁絨寄道黃鸝巷口烏鵲橋頭秋癡在一樹馬纓花底清愁難寄與覓箇同心同賦新聲玉簫倚秋去本如煙強要畱痕向水上繪成秋意若不是雙紅豆親栽怕遇著紅紅也相思起

春光好

鴛鴦棹

相思樹合歡枝比肩時笑道焉能辨我是雄雌萼綠華原有媚藐姑仙豈無私我欲徧栽三十六繞園池

蜨戀花

鵲鏡初收妝未久，
揭起疎簾衆裏睂。
峯秀十月嫩寒生，
翠襲一爐小篆閒相守。
乍讀郎詩新上口，
一半猶生未肯輕離手。
難字更須郎口授，
深談約在黃昏後。

洞仙歌

別離怕早，借丹青濡染，
畱取崔徽卷中面。
奈星花頰秀，替月姿圓，
神難取，屢費畫工偷眼。
點睛纔活脫，未及裝池，
沉水先熏幾回展。
可惜曉霞痕，無計描撫，
還少了一分妍倩。
恰有幅湘臯二妃圖，
敢暫屈卿卿侍兒爲伴。

又

綠窗秋靜，正香羅挑倦，
曲本藏鍼尙拖線。
恁偷攜不禁平視，無嫌偏一點，
繡迹未容窺見。
近知眠食減，欲勸加餐，
分付厨娘碧蔬翦底事去，
匆匆何處孤遊可要箇朝雲相伴，
聽簫鼓如騰。

寶清秋約夕照樓頭看君來看

菩薩蠻

玉鉸手插同心朵綠雲遮面嬌無那人面似蓮花蓮花似面耶
銀塘秋易老箇裏花常好花落露蓮蓬芳心更在中

天真閣集卷三十五

詞三

昭文 孫原湘 子瀟

幽蘭閣離騷怨

昭君怨

春曉

花裏一絲雲影花外一聲清磬曉露滴衣裳滿身香
折得幽蘭誰贈彈出瑤琴誰聽一蜨繞人飛自依依

醉太平

風瀟雨瀟今朝昨朝爐煙瘦得無聊况伊人素腰
舟遙信遙香消翠消江山似此迢迢又楊花亂飄

行香子

簾外風寒簾內衣單瘦銀蟾推出花關箇人去也一雁偏還賸

眼中愁愁中癡癡中歡 銅鳳更闌寶鼎香殘聽窗紗落葉聲
彈迢迢秋信天上人間隔幾重雲幾重水幾重山

子夜歌

春閨寄遠

猛思量癡兒昨夜乍喜片雲相遇恨多事東風吹雨斷了去遼
西路盤蠟淚消燼灰心死癡在人何處儘遊絲攔住春光還問
鏡中綠鬢可容畱住 畫屏前丁寧後約化作斷霞千縷癡燕
尋巢嬌鶯戀柳人卻如飛絮縱飄零自喜何如萍得圓聚流水
難回少年須惜休被黃金誤早歸來簾外櫻桃待君同賦

法曲獻仙音

過南湖舊遊處追悼故人

霞卷天高石通泉古雁外都空人籟老樹忘情病花無語風吹

一池清水但廢綠平蕪地寒煙自生翠
忽淒淚認青青插湖
峯影還似否當日鏡中睂黛一片古今愁付秋雲幾葉搖碎月
姊猶憐破瑤閨飛下環珮問瓊樓前癡化作楚天烟靄

酷相思

碧玉芳塘圓折小長幾簇相思艸恰飛下紅襟駢翼鳥波勢也
相縈抱山勢也相迴抱 驀地涼颺吹嫋嫋把萬綠秋如掃道
天最無情吹不老星影也先稀了月影也先虧了

秋霽

中秋陰雨擁被眠矣初更雨止月色倍皎起坐桂花下
引酌自酌悵望碧雲惜無人共之

簷際飛來是舊日南樓見慣明月露點星搖水聲雲學小庭夜
涼清絕古香弄雪一珠光似寒空滴醉且適還向玉壺澄處濯

詩臆 當此自笑聽雨聽風已拚今宵閒守窗黑仗銀灣秋光
洗淨山河都換琉璃白愁思此時拋可得彼美何處但見杳杳
孤鴻遠天無際蕩煙空碧

江城梅花引

藕風吹暑散銀塘是衣香是花香香過中門旋轉小迴廊茉莉
幾叢蘭幾箭畫簾底有人兒換晚妝輕妝澹妝倚斜易額半
黃扇半障盼也盼也盼不盡樓上紅窗偏是窗中西角有屏僮
月又未高雲又暗一回首乍分明已渺茫

賀新涼

題宛仙夫人鷗波仙館

煙水當門淨似移來瀟湘一角佩裳清影幾點露珠搖碎綠彈
得閒鷗瘦醒恰翡翠移巢初定安置筆床茶竈罷藕花香飛上

吟箋冷仙境界付仙領 玉樓小佳年年病算今番晶簾挂月
許窺妝靚丰格天然秋可照恰喜涼波似鏡卻對著冰花思省
翠葢亭亭相傍立宛綠窗笑貼朝雲紫心一寸藕絲引

前調

宛仙夫人以諸花香作茗供客袁隨園丈錫名五花露
疊韻賦之

冰雪聰明淨是仙人靈心結撰一甌春影五色浮來雲五朵箇
箇芳莢乍醒還旋轉如珠無定觸手濃飄香霧煥覺春融玉液
情難冷身未飲意先領 憐花瘦亦如人病被今番醞酬得灌
頓然妍靚宛似摘來猶帶溼浸入圓冰小鏡引滿後枯腸思省
一樣露從仙掌下勝銅盤冷瀉天風緊三盃罷又香引

念奴嬌

爲宛仙夫人題憚南田荷花便面和竹橋文韻

風裳水佩畫中看也算良緣清豔三十六陂秋色冷比似銀灣
清淺浴雨嬌姿弄珠仙態看了還頻展勝研花露洛神親寫全
面似寢卻又如真曾經湘浦妙相空靈現隔斷鴛鴦雙照影
賸了亭亭清怨一片青天一泓秋水意近神猶遠舞衣寒否綠
雲和恨先卷

月華清

九月十二夜被酒鄰泮閣滅燭坐月花影滿身洒然而
醒與穉仙踏月曼聲歌此

蟾外涼催蟲邊愁醒夜窗人共秋語吹滅鐙花換得一簾疎樹
弄瘦影幾葉清寒宛畫出恨人心緒留住怕銀屏十二化雲飛
去似此清宵休錯便說鬼談幽儘多佳趣滿眼相思付與斷

鴻低訴問天際一角癡雲能閣住幾分風雨回顧念天寒修竹
裊羅延佇

羅敷豔歌

綠楊高入青天半人在紅樓誰過紅樓簾也無風自上鉤
瓊檐忽裊千絲亂道似離愁若是離愁風翦絲絲不斷頭

雙紅豆

偶愛吳園次把酒祝東風種出雙紅豆二語自署雙紅
豆生囑邵雲巢繪圖自題此調於上輪意達情適成八
闕調本長相思雙紅豆其又名賀方回秦淮海揚補之
平仄互異故所填不一律取其諧協而已

正苦相思迷離恂恍如何畫與人看一情未了又一情生拋來
兩箇疑團忍拆成單只洗空心地左右分安物不替人瞞宛雙

珠托出和盤 願有合無離多生不滅春風長暈朱顏若非重
結實爭能教蒂固根蟠種出雖慳不信比天生更難但頻澆情
田露液休乾

又

是否當年二喬豔 鳬相思並化江東合歡樹底連理枝頭一雙
貽我玲瓏入手仍空笑投瓊未慣記曲非工拈出萬花叢勝常
安銀合當中 待劃癭爲天搏愁作土情根托與東風來生親
種下便今生未算相逢分付紅紅好趁著春濃酒濃莫逡巡先
開小朵沁同

又

兩點分明不成心字爭生載得相思須添意土好護愁苗祝成
三頂珠兒一對蛾睂著中間一點是我情癡只怕又差池傍花

陰鴉觜親攜 也知道來生生原縹緲便生已到秋時西風難
說與仗東皇先爲扶持廿四番吹吹紅綫紅綃並垂待兼收重
酬瑤瑤雙后

又

我欲畱將分歆釵股與他鳳比鸞交或安骰子點點鮮明卜來
佳讖連宵就使閒拋也堪煩記取絳樹聲嬌爭不手持牢要泥
中別長情苗 算根已先離枝難復上經時容易紅消東君須
做美倩良媒紅友頻澆算算朝朝如並嫁同車二姚莫單如一
雙佩解江皋

又

知道封姨紅情定妬可堪托與靈根緘宜寶匣藏合珠襦心頭
牢印雙痕觸著消覓道蘭胸菽發未敢輕捫逕欲趁芳尊當金

丹一口都吞 卻灑酒陳詞剪旛繡字向空乞取私恩調和花
信煥長連枝先綠成邨樹底溫存盼日暮亭亭碧雲漸輕紅逗
來少女榴裙

又

頃刻難範圍未果不如放下心腸從拋兩處莫植同根由他
少二無雙宛轉思量當丹誠寄與邢尹分藏一遭雪衣孃一桐
花小鳳銜將 聽的的朱櫻同聲囑付他生畢竟緣長風前齊
撒取願花花葉葉相當遲發何妨勝日久紅乾佩囊兆佳音並
頭早結蘭缸

又

合并雖雙分開賸一除非種了還生憑他和氣化作連珠有如
並命同庚圓轉輕盈替天台二女繪影摹情看不出懷仁比尋

常豆蔻聰明 更左植頻婆右栽靚客中閒配著星星幾番和
露灌配相思烟艸俱耕采擷休輕勸畱取枝頭豔痕供銜杯巡
行十二時辰

又

縱有他生何從認得雙雙卽是前身聊憑畫裏信手拈來宛然
雙笑濃春種豈無因道今生已矣緣結來生心事自分明又何
消並啓丹唇 待畱與人看定應猜到灑箋血淚猶新幾時真
箇也酌芳尊說向花神火齊圓勻要紅遍南鄰北鄰是邨莊有
情盡結朱陳

國香慢

素心蘭

天賦離騷縱春風脈脈不露春嬌何嘗與春離卻春自痕消淡

到同心都化更無癭吹茁情苗無言有琴意寂寞空山雪欸水
邀芳覓誰寄托與湘雲一朵湘水中搖本來仙骨非是作意
孤高肯博人閒寵愛抱真香自隱巖坳何須避人見瘦影依然
意近情遙

八寶妝

泛舟三橋花柳晴妍士女雲集極湖山之綺麗因憶舊
時酒伴多半零落更數十年後今日諸公惟青山在耳
歡笑之餘忽生悲詫感今歎逝幾不成聲矣

鷗外春濃蝶邊晴媚盡是故人遊處認得三橋楊柳影青眼相
迎如故桃花開到九分花上紅樓樓中人共花枝語多謝綠波
新漲替傳睂嫵休道水最情深水深萬丈可能長把春貯送
春色年年去也只山色不曾流去問他日滿襟黧侶畫船可是

今朝女便淚鑄黃金如何買斷斜陽路

唐多令

春晴兩日旋復陰雨賦此撥悶

天有幾多愁春來冷似秋數空階點滴無休盼到五更風漸緊
風乍定又颼颼水際美人樓碧桃花落不料無心更上樓頭
就使強扶殘癯立樓下也沒行舟

望湘人

重游三橋人影衣香如故而落花滿地矣

又東風載煥如不治遊好山招我雲際一笛鷗邊一篙柳外搖
蕩一湖春思昨水猶香嫩晴逾碧新愁須洗恁飛花濃繡閒隄
幾日不來如此還有衫明粉麗縱紅芳落盡紅顏堪替道已
老春光未老半春年紀春如去了再來仍嬌人卻難援春例便

掬取水樣春情翠鬢楊花難避

醉思仙

慶雲堂觀牡丹

問神仙爲何人謫下如此踟躕早天風吹珮碎綠雲邊春似海
春誰主一笑萬花驚倚闌干未遇我幾曾輕破嫣然我卻愁
相見見時愈覺無緣爭玉樓三尺縹緲青天花下影花中寢尋
覓得也如烟好春光莫恨晚恨時只恨啼鵲

昭君怨

人在秋聲中坐秋在風聲中過一葉一秋心總難尋天外行
雲飛度一片詩情來去聽到寂無聲更淒清

洞仙歌

春寢

春隨流水去人閒難返賸了無情碧雲片怕重拈舊句惹起相思原不分寢裏桃花還見 昨宵明月下急起披衣小約迴廊盡穿遍一逕冷蒼苔細艸如煙還滿地蜨鳧驚顫恁是處游蹤總堪尋只沒計尋他舊時人面

鬲谿棹令

題蘊玉樓主人畫棹

是何心緒太縱橫月紛紛記得前宵春寢亂於雲寢中疑是君本來不著世閒塵縞衣身驀地相逢無語又黃昏暗香先襲人

又

玉樓春困未全蘇倩雲扶扶下樓梯纔立住輕軀有梅如我矐雪中相對雪肌膚兩饒餉只有生香溫煖與花殊隔花聞得

無

又

托根知道是谿邊是山邊但看雙枝纔起似雛年絕無花可憐
豈知歷刼已三千藐姑仙瘦得腰支如削越鮮妍至情能鍊
顏

又

畫棟多取曲爲工勢玲瓏我道楸花卷曲是人功不由情性中
此圖玉立在山空對師雄卻與吾家雛落一株同逼真林下
風

五綵結同心

茉莉花籃 此調紅友祇收趙作平韻一首此照曝書
亭集用仄韻

輕雷過雨密葉傳芬早把玉纖偷搯雪蕊含猶紫好畱取一半
明朝分插是誰織就花機巧盤細縷層層三匝麻姑瓜目攜扇
底人道采芝歸恰黃昏靜懸華榻看月光冷射帳中珠蛤莫
遭輕搖動須防取飛墮暗侵梨頰晨窗解下玲瓏樣喚小玉提
來妝匣喜夜珠盡開笑口一座白毫香塔

唐多令

無力是西風寒花不肯紅問傷心千古誰同一片雨聲秋欲去
畱不得且從容吹去斷雲蹤飄來幾葉楓便飄零終要相逢
我欲挽將橋下柳勸流水莫歸東

滿庭芳

萬里西風聲如怒馬送將秋入愁邊碎荷含雨搖蕩不成圓
翦秋雲寫恨雲中雁應替人傳長空杳瓊樓細語吹斷渺如煙

休憐無寢作須知有寢也自淒然縱不隔銀屏猶隔遙天慢
說蓬萊水淺明珠在難伺龍眠空收取雙紅豆顆銀合貯來鮮
清波引

送秋用白石韻

喚槎銀浦踏雲片颯然起舞故人何許月痕挂睂嫵落葉蕩心
碎陣陣催將秋去但餘一帶瀟湘是神女弄珠處閒愁付與
奈覓寢難趁雁度算砧敲否慢敲斷秋語飄零寄清淚化作寒
空淒雨不分霜信能知者相思苦

玉抱肚

心佛圖

靈山親到靈臺親埽怕靈犀一點丹誠佛心猶未知道况慈雲
遠隔何由覓照膽青銅教伊照有情萬種沒處可表思量出剖

心稟 佛果婆心還應把神通立顯同心換顛倒我情兒放入
伊心竅佛意兒放來儂心抱兩相思兩下纔知不然佛喜佛惱
我何曾曉 從今後我自心頭佛縈繞更不用管佛心靜佛心
擾鑒我誠疑我狡任他靈巧千變萬轉總未及我心頭造

鳳凰臺上憶吹簫

寒夜感舊

天入船窗月安人面豔情最憶秋宵蕩此心如水平簫無
限江山感慨多憑仗酒被花消而今臘西湖十里冷碧空搖
迢迢不愁路杳愁此後萍緣雪泊波飄苦有書難寄封了旋燒
惟是南樓征雁來慰我深夜無聊無聊甚重將寢溫寢亦都遙
訴衷情

人遠情煥誰得管爲多心絲轉亂幾斷斷還尋心孔越深深知

音要知絃外音且從今

賣花聲

卽事嘲子侶

未忍便相拋半舊冰綃有人見了轉覓消道是蘭香香澤在展
玩無聊願易紫鸞絲繫取儂腰一絲從此定深交淚迹饒餉
心迹顯認取今朝

薄倖

爲秀卿作也秀卿氏顧叔利其色將鬻爲娼余適北行
過南濠訪之秀涕泣求援自謂微獨章臺柳不甘受攀
折卽歸沙叱利亦不如死有能引手則可數年潛否則
覓我於靈巖古柏間耳余感其志躊躇不忍別秀曰行
矣畱此無益徒亂君意他日過蘇臺誌我墓而去則君

之惠也嗟乎以秀卿之明慧薄命固其宜耳惟僕以七尺軀不能援一女子平日所自負拯世勵俗者竟安在哉憤填此解爲誓天下無能人悲

問垂楊縷爭不綰儂舟且住便隔著梨花香裏還是那人家處
忍撇他月樣明珠冤沉碧海難撈取算縱有丹誠不如紅淚猶
得霑卿鄉土把舊事思量起真自誤誤卿卿誤約孤墳三尺
榕陰一樹清明他日尋伊路癡遙還阻趁東風未死蘭香且覓
生香去休教恨晚贖與桃花共語

又

蘭風以天上人間圖屬題其事與前解頗類因疊韻賦之

情絲千縷算沒計將春挽住只一片無情天影應是好春歸處

把白雲聊當瓊樓相思苦向雲中語
賸鈿合金釵翼短還在紅香塵土
待信寄遙空裏還恐被孤鴻擔誤
指黃河萬里如腸九曲可真通
得天河路不愁脩阻怕瑤京追
着瑤英又下人間去何如守定
畫裏真真喚取

五絲結同心

香囊還須禁下七字照詞律填與曝書亭稍異

繁抽別緒細裏情絲付與一囊收
貯雙笑芙蓉朵分明是繡出
同心人語任教佩過茱萸節
定豔絕花如承露絲絲透幽蘭氣
息只認素心中吐臨行又親分
付道天涯此去少添詩句口
要如伊緊心須放休要似伊收
住私書儻接牢緘著第一是防
人窺覷還須禁奇香漏洩莫任
小奚採取

浪淘沙

綠樹障南天離恨絲絲檀槽誰撥第三絃此曲祇應天上有誤
被人傳清癯料難圓淒絕還眠春痕尋遍月如烟化作一珠
懸碧落不在人間

又

昨癡踏瑤天霞軟紅絲一條銀漢直如絃手摘明星春不語消
息誰傳露滴被池圓猶抱虹眠蕊宮往事已雲煙我有淚珠
彈向月不灑花間

長相思

古花朝紀事

萼綠因緣蘭香會合相思已種前生多情璧月多事東風又牽
花影縱橫最小年庚似依人飛鳥宛轉瓏璫翦綵繫金鈴替花
枝端整書名只臉暈承羞眼波含媚未應全不關情無情偏

有意任天真。纔算丹誠強作聰明道。莫把真心盡傾墮。懷中身先匿笑難成。

天仙子

癸亥閏春偶遊小石屋遇美人倚竹而歌清婉裂雲其詞曰石縐似雲雲似屋洞天劃碎玻璃綠玉潭清影記前生芝草熟瑤書讀癡倚梅花醒倚竹歌闕女伴簇擁而去人耶仙耶急錄於翠壁之上并和其韻不作三舍避者欲其附我以傳也

世外行雲雲外屋。洞簾吹得春情綠。佩環飛去月無聲。幽寢熟。重溫讀。仙語玲瓏穿翠竹。

瑤花

閨花朝爲美人壽

東風喚起天遣晴絲把紅綃重繫問花開否花不語也帶傷春
情味融春入酒可勸得芳心歡喜便玉魂醉倒難勝有箇如花
堪替願春長似今年看添了花籌人準花例三番月上只算
得一半春隨流水小紅闌角是他日最思量地儘碧天忘卻今
盟縷縷碧雲能記

國香慢

待不傷春被香天雪海圍住瑤情東風似扶輕絮冷入孤吟一
片空明身世便瓊樓無此淒清飛來舊時月滿地雲流心事縱
橫綠窗花下語早飄零淚點算到如今拾來疎影前艤何處
重尋就使他生緣在已聰明擔誤今生淒涼數聲笛儘似當年
吹碎人心

比梅

昨夜妬花風急吹得小闌紅溼空繡五雲幙一點護持無力蝴蝶又集野蓬蒿葉

淡黃柳

雨中送春

空庭一碧遮得天如莫燕燕鶯鶯都不語多謝風風雨雨冷冷清清載春去去還住相逢又何處便有約怕仍誤願薔薇且把紅顏駐過了今番更無蹤影惟有楊花自舞

剔銀燈

昨夜潮聲如雨曉寢零星飛去翦水難開團圓雲不攏搖蕩秋心無主送秋南浦還只想把秋畱住一寸輭紅香土種下相思無數花欲離窺月空填廓天上人閒如許今宵何處賸一點寒燈淒語

惜紅衣

慰友人悼亡

釵股盟秋琴心送日墜歡堪憶意外西風同心朵吹折香寒鏡
掩誰與扣瑤環消息淒絕孤柳碎苔隱朝霞顏色 亭亭水側
零落紅衣畱仙舊裙摺花前小字閣筆怕重說傾盡綠盤清露
幾點碎珠難覓問甚時來飛下碧天明月

賀新郎

真悔相逢也又添將海棠葉上淚珠盈把我有心頭無限事此
淚因誰痛灑爭對面熒熒齊瀉卿自哭卿儂哭我不傷心除是
無心者銀蠟淚反先炧 不如忍淚從今罷到他生緣終易盡
亦如今夜卿淚只流黃浦住我淚寒潮逕下便要哭各尋羅帕
祇當不曾相識過任滄波兩葉浮萍化大笑起一帆挂

獻衷心

城南李家池瀉華中聽雨

蕩水雲深處涼雨瀟瀟紅欲語綠先搖看冷香飛動詩思俱飄
高柳外吹不定一枝簫鷗有癡蜨無聊好山如隱碧紗寮悵
玉人何處明月難邀波黯黯還泊在赤欄橋

荷華嬌

荷花

何人如卿色妍紅裏透出絲絲嬌白前宵明月下清香一片覓
行雲無迹最可恨花近香偏遠似芳心不定蹤聯情隔何時
蕩扁舟去涼雲圍住我箇中吹笛

卜算子

雨也如人淚風也驚人睡閣外芭蕉閣裏心一樣秋來碎燈

與人兒對影與人兒背如我傷心有幾人總在秋聲內

洞仙歌

玫瑰

薔薇共笑認妹耶還姊紅潤林霏浥嬌紫引玉闌纖步端正徘徊牆角外聽喚珍珠小字 鈎人殊宛轉反爲情多頓嬾中閒忽含刺及早嫁東風拌得離孃休錯過嫩條初試待收取濃芬露華煎好供養詩人酒邊茶次

又

茉莉

麝香小朵襯鬢雪嬌豔金鳳釵頭晚風顫喜半含半吐絕似歌唇纔欲啟又怯人前腴腴 閨中偏巧絕綠蒂抽來缺作芳心更妍倩夜墮枕稜邊曉起餘芬還壓在謝孃團扇算如此溫柔

惹人憐比小玉風流箇人活現

又

玉簪

一枝玉輦似鬢邊吹落新樣珠釵舊雕琢想素娥宴罷寶髻欹
斜纔墮下早被此花偷學夜深清露緊卷了檀心越覺玲瓏
瘦初削季女太嬌憨誤覓搔頭道遺在畫欄西角空賺折階前
沈郎腰向綠葉低叢暗中尋索

又

合歡

嬌紅嫩白露嫣然微笑細蕊偏藏葉兒好似吟邊小倦拚近黃
昏妝未卸星眼朦朧合了芳名聽便喜種向閒庭可許忘憂
比蘼艸風際裊殘絲宿念纔蠲又攪得新愁繚繞要博取卽歡

枕中安預分付雙鬟莫教伊曉

解語花

花韻

神融煥暢氣逼晴妍芳性難持穩被春鈎引憑堅忍已漏半絲
餘蘊近前又隱遙立定微微來近將影蹤瞞過東風付與詩人
省荀令衣熏預屏檢含葩嬌處畱意潛認箇人肩並同心語
攬和味誰幽勝遊蜂漫趁須會得靜中消領情未闌垂下疎簾
還一襟芳賸

又

花情

柔枝鬱性小朵含思嬌斂春無主爲誰凝佇參差怨脈脈弄愁
如許芳心半吐還一半嫩寒兒住感此生消受東風又怕遭伊

妬。淒淚難禁。猛雨縱盈盈。如墮幽恨。誰語煖香晴。霧嫣然笑。
曾露幾回歡緒。低顏暗楚。爭禁得。蜨鏡蜂覩。依翠陰無限。思量
憑晚鶯低訴。

南鄉子

獨自莫凭闌。銀漢如煙瘦半灣。飛去月中環佩杳飛還。只有孤
雲一片閒。雲影似頽鬢。值得傷心仰面看。可奈晚風吹又緊。
吹殘化作絲絲閣遠山。

瀟瀟雨

山中夜雨有寄。○玉田空山彈古瑟。一詞或云卽八聲
甘州。惟起句讀法微異耳。然玉田別有記玉關一闕。仍
題八聲甘州。而此作瀟瀟雨。旣遵其句法。并仍其名。

情天多少淚。與空山別淚。一時飛正一簾水。蕩一燈豆小。一雁

雲低欲把錦箋書寄封了又重題忍說梨花夜燭翦窗西不
是愁聲逼耳是愁人聽去分外悽迷料紅樓今夕竟繞碧峯栖
怕蕭蕭風卷殘葉阻伶俚瘦癯渡寒谿爭知我一雙醒眼淚計
尋伊

戀情深

驀地春情難自掩喜無人見如何瞞得過花陰一雙禽眞珠
簾押畫沉沉風緊落花深乍歇又還飛起似人心

天真閣集卷三十六

詞四

昭文 孫原湘 子瀟

小銀河舫吹笙譜

摸魚兒

獨坐脩竹下涼月漏衣萬籟都寂塵意灑然而醒

拂蒼苔半襟幽思涼雲重疊難埽瑠璃遮斷纖塵影祇許玉蟾
飛到聲杳杳問此際誰從人外秋意討蘼絲露裊待濯髮清池
風來水面倒聽碧鸞嘯長安路雪轍霜蹄送老瑤琴知有誰
抱饒佗寢見江皋綠旋被輭紅遮了秋自好未許塢秋情寄與
春癡曉深林翠遠儘掬取生香此中詩語莫與外人道

又

送秋

儘西風掃空寒籜如何能掃愁緒遙山一角如殘畫遮得幾多
秋佳瞻極浦秋已被斜陽拖入紅沉處清尊漫與且雲葉裁箋
苔花刻翠料理餞秋語春江度曾說歸期屢誤如今書也無
據桃花負了劉郎約還遺冷楓低舞天又雨天似怨瑠璃揭碎
秋難補閒情自苦把一雨離愁數行淒淚拋擲與湘渚

瀟瀟雨

秋陰

天低寒閣雨二分秋寫出十分愁倚屏山不語湘雲一片搖蕩
瓊鉤深院晚涼先到梧葉自颼颼不是斜陽裏也怕登樓漫
想芙蓉采采悵紅衣落盡與水東流賸菰蒲涼癢高枕喚閒鷗
約空江明月如雪待何時散髮權扁舟飄然意趁冥鴻去已落
沙洲

渡江雲

秋海棠月下

一天風露裏爲誰黯黯耐盡月黃昏嫩紅扶不起化作階前滿
地澹秋痕相思欲寄怨前生卻共誰論還記得一雙清淚種出
此愁根消覓花閒別後瘦減客光料如花淒悶爭及得花常
見面相傍溫存素娥隔著青天闌尙破雲來照芳尊人不遠如
何閉了重門

桂枝香

中秋夕陰晦醉行西麓閒人影衣香颯然皆秋意

蟾光緊閉度縹緲玉笙都是秋氣惟有哀蟬密語溼螢幽致誰
家秣釀新萋熟滴紅珠小槽聲細者番清醒西風送老桂香塵
世縱放出花明月麗也消得南樓幾度沈醉千古銅仙對此

不勝清淚玉尊起舞回寒雪且消除舊恨如水喝望長嘯西山
傲骨插天無際

高易臺

餐秀樓弔落花

天被雲糊春憑水繪闌干算算朝朝怕上層樓桃花隔水相招
繁紅墮地心猶活更尋思起舞爭嬌任東風幾陣催寒卷過谿
橋 煩伊并卷春愁去共零香賸粉都付江潮潮起還平閒愁
長了難消西山幾點煙巒白又商量暮雨瀟瀟且聽殘清角黃
昏捱過今宵

入寶妝

出北郭數里由舜過井折而西古綠漲天緋桃隱約巖
際有三數人家跨泉而居人蹟脊絕但聞水聲潺湲鳥

啼花落而已

遮一重雲一重溪水愈轉愈生幽碧清絕纖塵飛不到綠外遙
天空滴依巖茅屋數椽三兩桃花參差紅露春山缺應是古仙
原路詩人尋得曾記癡裏來遊石梁灑瀑佩環聲與蕭瑟爭
回首玉梯斷處水花拂輕衫成雪覓前徑沈沈翠壁古苔空有
雲行迹算不是劉郎閒情爲甚偏淒切

桂枝香

雁聲

淒淒切切漸轉入暗空添倍嗚咽何處零煙斷雨帶來聲息吳
霜壓入平沙去似琴絲六絃中絕一樓虛靜一簾蕩漾一燈明
滅又一陣商飈送急料銜起蘆花呼侶相覓多少離情怨緒
玉箏彈徹喚回枕上遡西路起來尋殘癡無迹九邊書杳三更

秋冷四圍天黑

木蘭花慢

隱湖邨舍

把紅情翦斷問春色在誰家但綠抱當門白鷗天外沒點桃花
煙霞淨將腰鎖有詩情只寄與蘼蕪吟到無人和處松濤自起
簫牙韶華冉冉去天涯潑翠滿窗紗已不管春來那知春去
疊嶂空遮藏鴉暗窺細柳瘦孤邨受畫夕易斜隔水東風弄暝
閒雲載上仙槎

翠樓吟

九月六日夜古桂霏香新月吐露聽鄰家笛聲數弄同
道華作

樹繪深愁雲搖薄縷輕寒作弄花暝玲瓏香雪裏笑尋去詩情

先等閒庭清影看翠拂蛾眉風欹蟬鬢天香頂露珠吹下一襟
秋冷 寂靜收起銀燈放半鈎涼颺照人雙醒飛來秋語好奈
微帶么絃商繁陰晴難準且莫負今宵同拌淒領窗紗隱暗敲
殘葉幾聲堪聽

望棋

席上賦蜜棊

酒邊唇渴喜晶盤別薦翠珠圓滴怪舊時風味全殊帶些子燒
春半攪崖蜜到口先消更何惜齒牙餘力似相思見了釋盡心
酸一味甘絕 回思雨中望得帶青枝摘下清肥如雪費綠窗
妙手團搓浸白定宣麝蠟封嚴密笑謝吳鹽已不是和羹才質
笑文君未諳此味遠山翠結

黃山谷詩相如病渴應
須此莫與文君感遠山

瑣窗寒

句曲駱佩香早寡工詩僦居京口顏其室曰聽秋繪爲
圖冊介述庵司寇來索題寒天苦語了無佳致惟於守
貞抱素之志或不戾云 詞律載清真九十九字此從

玉田體

萬古江聲六朝樹色一詩人住孤幃悄閉落葉自和蟲語問西
風蕭蕭爲誰儘吹恨入秋中去正簾深燭短霜濃月瘦夜長難
曙 延佇聲何樹怪曲徑虛廊盡秋停處寒蘆弄絮又飛起來
迎愁句爭知人湘竹淚痕冥冥化作江上雨算惟應遠渚孤鴻
定諳情意苦

一萼紅

太真沈醉圖

被春風把梨花素面吹作海棠紅眠去霞嬌扶來玉輦雲意先

自朦朧儘消受君王笑眼喚不起仙帳醉芙蓉絳幘空鳴翠簪
誰脫孤負晨鐘惟有玉梅淒絕抱冰霓雪鳧獨醒樓東瑤殿
恩深金盤露湛分與椒掖春濃一曲霓裳舞罷華清癭同在醉
鄉中不道豬龍嘯時驚起巫峯

西子妝慢

西施舞裏石

響屨廊空浣紗磯冷翠裏何勞還舞當年本是石心人受君恩
忍將君誤扁舟載去竟濯鳧明湖深處望夫鳧化飄飄仙袂風
前猶舉誰攜取擲向荒郊亂繡苔花古霓裳多少美人鳧啟
空箱蝶衣同腐無情至汝學垂手猶凝綃霧淚斑斑一片吳宮
暗雨

湘江靜

王楙卿女史倚竹圖

薄莫梢梢寒欲雨起尋秋待尋何處添香乍了停琴未久且愁
和煙語落日蕩詩覓虧一片綠雲扶住縈衣翠冷煙耶水耶還
應認癡湘渚露漸滴風又舞籜飛來似催秋句哀蠶訴寂涼
蟾弄暝尙亭亭延佇竹也耐清寒真脩到楝花夫壻相依瘦影
香茅破後牽蘿共補

惜餘春慢

春盡日坐餐秀樓落花如煙啼鳥俱寂春光去矣

怕見飛花偏生飛去一半猶依芳艸深深院落有蝶無人剛被
綠陰遮了還算東風有情相伴遊絲半空閒裏間啼鵲聲裏天
涯畱得夕陽多少休更放飛絮漫天替花吹淚卻恐連天都
老烟波一片化去春痕祇許亂萍知道還掩重門醉眠長笛弄

愁那須分曉看明朝簾卷蒼苔惟賸碧雲難埽

南歌子

寄道華

小別雲爲癡相思月可呼匆匆已是熟梅初知道芭蕉綠到小
窗無短札原無語新詞便當書落花如雪滿階除爲問催人
歸去又何如

東風第一枝

春曉蕩舟三橋看柳色

殘月銜峯孤雲隱水嫩寒蒸透花霧一變濃綠低迷不辨是烟
是樹黃鸝破曉強喚覺春眠張緒試覓取昨作夜吟覓定在蠻
橋橫處須鑒賞大癡妙譜徐拚擋志和勝具隔汀飛起楊花
可解恨人俊語紅樓此際尙誤聽絲絲春雨待倚舷吟到斜陽

莫管亂鴉相絮

洞仙歌

懨懨小病怕意中人在強起紗窗默相對爭溫柔性格蕩地粗
疎全不解體貼玉兒情態果然蒙愛寵就算嬌慣底事當前
便深怪清淚灑梨花寧受摧殘未肯向東風輕拜直逼得檀郎
自低頭還悲咽難勝教伊無奈

鵲橋仙

織女圖

天河澣筆秋雲翦紙描出霧鬢風致三分恨色二分愁更帶著
一分癡意萬年常聚一年常別嘗遍合離滋味畫師若是畫
雙星反落了尋常伉儷

醉花陰

水仙

翠幙如煙深護穩紅燭搖春影時候正清寒一曲瑤琴彈得冰
魂醒細抽碧玉靈苗並豔吐檀心淨遮斷小屏山怕有風絲
吹著仙肌冷

蜨戀花

睡起鬟多無氣力鵲鏡初開瘦了桃花靨月樣牙梳編齒密如
何理得相思結舊癡分明長在憶委地春雲非我猶憐絕悄
向水精屏下立曉風微透羅襦息

小梅花

秋海棠

梨渦瘦檀心透天然秀色人無偶學梅花似梅花沈香癡醒微
褪曉妝霞一生甘避春風面獨倚牆陰淚如綫被人疑怕人知

顚顚秋容端的爲相思 幽蟲語哀蟬訴如何寫盡秋愁緒畫
闌邊瑣窗前幾回凝竚腸斷有誰憐尋秋鳳子花閒活嗅得真
香香在骨雨瀟瀟夜迢迢酸情一點崖蜜未能消

薄倖

友人於賣餠擔頭得一扇爲寢樓前輩錄玉溪生詩末
云爲柔卿書背面畫一姬折花而立因憶乾隆辛亥秋
隨園丈同遊紅映樓有柔卿者出見手攜寢樓此書時
墨瀋尙新忽忽二十年書者與樓中人都已化去而此
扇流落人間幾於蘭亭蘭紙矣

春風人面記少日閒花過眼正畫閣簾波搖細喚起梨雲妝倩
乍相逢旋轉銀屏羞蛾尙借冰紈掩認小字分明右軍筆格戲
與秋孃書徧 只幾箇昏騰醉鴻雪地滄桑已變樓空燕子去

乘鸞煙影人閒賸了桃花扇粉痕猶染想當時酒次歌闌瓊角
低徊展晴窗細認聊當蘭亭再見

春從天上來

蔣伯生香嬰室圖 詞律收王惲作較此少兩韻少二
字平仄亦小異此依山中白雲詞

一簇紅霞指鬱羅天上舊是兒家河澹珠澄月明風細降下七
寶香車攜得嬰年環珮渾未解碧玉分瓜認光華是窗中人面
不是桃花 丹砂有時戲擲散馥郁輕煙染徧紋紗雙蜨飛來
猶疑花氣縈繞仙鬢欹斜情思纏綿如繭郎心軟兜起情芽漫
趺跏早維摩文室散滿天葩

醉春風

屈子謙遺墨有桃花飛燕自署宋人春風圖子載屬題

巧繪無蹤影，鈎取封姨性。兩三飛燕，趁身輕認認。下上桃花，蹴花飛緩，掠花飛迅。道是徐熙本微與黃筌，近畫圖畱得在人閒。恨恨孤負春風，幾番吹到武陵花信。

柳梢青

待不相思偏生昨夜，許下幽期。鬢影風搔，鞦羅霜浸，忒煞情癡。耐心莫說人兒，便月也花陰，慢移等過黃昏，不如休等眠去尋伊。

月照梨花

欲住終去，畱伊何處，緩過鴛兒。潛開繡戶，門外風露，零零浹人。行歸房，蠟淚紅如澍。背燈不語，好癡渾無據。箇人蹤影，疑復經花落，疎櫺幾回聽。

海棠春

窗糊雲母晴光映借一曲屏山遮定慢道寂無人怕有迴廊影
關心更是雙鬟聽索遣去海棠花徑要捉曉雙雙試向花陰
等

思遠人

欲寫相思何處寫寫了又停筆三分來恨七分來想情事最難
說鴛鴦兩字纔書畢旋把角兒折怕小婢驀來被伊窺見人
前漏消息

念奴嬌

虞山北麓曰石楸吾邑之小香雪海也華亭改七香遊
而樂之思誅茆結廬其閒屬錢叔美作圖寄意自題壺
中天一闋叔美和之余亦次韻

一箇秀冷比桃原多了秦時春雪雀守巖扉寒鎖綠癭老東風

蝴蝶爲礙低枝別穿斜牖放入山容湑閒尋詩瘦暗香飛動吟
葉肯就空谷牽蘿攜來家具雞犬都仙骨披取綃衣高臥穩
弄影瑤臺清絕翠落床頭雲行酒裏笑看冰姿發隔林呼我共
攜鴉背鋤月

賀新郎

臨別牽衣語約還家分符解纓定期端午轉眼榴花紅過了望
斷歸帆遠浦接一紙魚天箋素道是銀灣煙波淺怕空江桃葉
難飛渡須不是舊盟誤而今已是重易度問西興秋潮有信
往來雙鷺爭不載卿扁舟下難道湖山絆住休更說石尤風阻
不怨連宵都無寢怨分明手札難憑據除見了對伊訴

暗香

紅梅

喚醒古雪間幾時和了朝霞顏色隔著短籬誤認桃花笑舒
還向西湖照影看倒浸珊瑚枝溼臙一點未化冰心難與夕陽
說清絕豔自別歎雀頂養成未縱仙鬪角聲弄微驚起明妃
醉覓覓無限懷君別恨都化作相思啼血謂舊癡拋去也有如
皦日

疎影

綠梅

東風弄色把嶺頭古樹吹上寒碧只合相逢竹外松閒無言鬥
取高格湘雲隔斷羅浮癡賴翠羽能知消息想夜深萼綠華來
踏遍冷香無迹欲寄相思便寄早春水樣淺流去堪惜莫等
樓頭墮下盈盈卻向蒼苔尋覓還疑玉笛吹哀怨預換下一天
新葉趁故人猶在江南好比柳枝先折

聲聲慢

易安居士此闕千古絕調當是德父亡後無聊淒怨之作玩其祭夫文云白日正中歎龐公之機絕堅城自墮憐杞婦之悲深此正所謂悲深也豈有與秦處厚詩云云偶與改七香言之七香仿詞意作圖余填此解爲居士一雪前謗願普天下有心人同聲和之

何須訴出滿紙淒風如聞欲語又咽寢已無蹤還似寢中尋覓
心頭幾許舊事盡交他玉階殘葉雨外雁雁邊雲并作一天秋
黑我讀秋聲愁絕千古恨除非見伊親說畫不能言卻勝未
曾省識黃花尙憐瘦影抱寒香共守寂寂縱自怨怎肯負霜後
晚節

瑤花

唐花

誰從地底偷取春來把春翻瞞得繁華太驟須不是羯鼓催將
消息紅鑪扇燭看漸逼芳心趨熱偏暗中送煥噓溫奪了東風
權力 深林儘有芳菲寧讓與冬烘先弄春色開非異種異只
在未到應開時節生香縱好人巧極天真微失算此時惟有梅
花自挺耐寒仙骨

拜李圖題詞

詞中三李太白詞之祖也南唐後主繼別者也漱玉繼
爾者也詞家多奉姜張而不知溯其先予與諸子學詞
而設醴以祀三李作拜李圖各就三家調倚聲歌之以
當侑樂

菩薩蠻

侑謫仙人

詩仙自被蛟龍得何人筆燦青蓮色杯酒間寒空一星搖酒中
瓣香心禮佛藥向豪端活可惜一千年江山風月閒

浪淘沙

侑南唐後主

吟管太生香名士文章風流強要作君王染就一襟天水碧褪
了黃裳洗面淚珠涼春短愁長落花休自怨蒼黃放下射鵰
詞賦手挽住斜陽

醉花陰

侑易安居士

餐盡百花人獨秀露洗聰明透風卷一簾秋滿地寒香飛上新
詞瘦玲瓏藕孔香生九絕調今誰又我欲繡青蓮有箇人兒

先勸將伊繡

長亭怨慢

柳如是印旁刻癸未春楚秀鐫贈癸未崇禎十六年也
問誰向寒灰收取兩字綢繆一方花乳乳暈桃花絳雪人面在
何許玉纖摩撫曾印徧開元譜縱使石能言忍細說前朝舊嫵
孤墓訪垂楊昔寢祇賸翠條如故茗華篆古怎尙有鬱嬪呵
護最怕是俗手流傳當紅豆秋風拋去願匣裏旃檀還供妝樓
閒貯

今昭文縣治東偏小樓爲河東君殉節之所有小像供其上

長相思

畫屏空篆煙籠一夜燈花搖冷紅不知何處風
亂山重亂雲
濃有癡還愁不可通寢兼無影蹤

醉花陰

餐秀樓坐月春光去矣人月俱瘦淒然有作

山影堆煙煙影厚素鬼煙中漏莫上瑣窗來樹影添肥人影新
來瘦舊愁未了新愁陡擬向姮娥剖漫苦月淒涼月去雲遮
天有愁時候

玲瓏四犯

簷鐸

走葉院虛停雲廊靜淒淒何事相絮半生空蕩過四角誰遮礙
偎窗正思細語被東風又教兜住普戾音情郎當身世餘恨共
千古憑闌爲伊凝竚恁輕絲繫著搖宕無主遠天清鴈鴒自
帶歡聲去同時賸有伶仃響在半背斜曷低度簷下苦得來怕
還淋暗雨

虞美人

美人虹

憑空一縷春情化豔絕殊難罷問渠底事不成圓貪著拖長只
顧澹如煙料應天亦看無奈遺下相思帶分明畫出兩條心
隔著長空隔不斷離情

水龍吟

白秋海棠

明明洗盡春紅小名尙帶春風豔前生是癡今生是淚新妝誰
銜瘦不成秋三分薄病七分淒怨隱逃離澹月何人瘦影粉牆
角空尋遍不怕霜痕拂面怕脂痕被人濡染無多膩粉儘教
鉛水一齊消滅玉化輕煙珠飛碎雨甚時相見抱相思渺渺柔
腸自斷素心無變

南浦

秋水

渺渺綠無邊一泓秋只有長天同淨中有點紅無游魚戲還癡
舊時紅影蘆花自笑西風獨對空明鏡流得年光過半了愁絕
鏡中青鬢何人小注清臚與澄澄活翠同流不定甚欲訴相思
娟娟隔看到浪花煙暝天河漸隱素波下瀉人間冷莫悵桃
原芳訊斷猶見御溝紅賸

綺羅香

黃葉

病態支寒衰容避酒枯寂應通禪悟如畫江南都被夕陽鎔鑄
正歸櫂遙指前邨比橘柚預知來路笑丹楓垂老春情不招春
妬怕秋妬秋光誰覓買去猶賸疎林弄色金將顏駐莫便飄
零畱鬪傲霜風趣問幽人箸述空山可當得硬黃箋楮聽蕭蕭

憶著成陰熟棣時節雨

慶春宮

有持古瓦求售云是銅雀臺者長尺五寸廣九寸博四分背有篆文隱隱露日王二字上下俱饌餉按楊升菴外集云銅雀宋時已不可得升菴嘗得高歡避暑宮冰井臺瓦上有香姜字日王疑是香姜之剝蝕耳是日集天真閣作消寒第一會因與諸子各填一解賦之

青雀孤飛高臺纔建翠瓴慢認銅雀門蟻軍容連牛陣勢奮呼應震屋角聘來雙豔快天半雙鷗並落金墉西毀寶殿南開寢酣香閣可憐敕勒歌成賣履分香氣同蕭索鷗鵲聲淒鴛鴦色冷一夜冰花如鑿赤蛇覓返問何處團焦寄託摩挲遺爇偏勝金甌破殘京洛

齊天樂

賈秋壑雕刻山水蟋蟀盆

傳來白雁秋聲緊平章但饒秋興賸水雙湖殘山半壁都入雕
盆清景軍容自整看拔柵先登跳身輕俊報主長鳴算伊奏捷
似開慶能消幾回鬥勝禦邊憑瓦注難避霜信羽騎三千牙
軍七萬同畢沙蟲微命金籠縱穩笑拉脇須臾到頭誰憫落得
哀啼木縣菴月冷

水龍吟

秋海棠

幾曾相識春風可堪強把春情喚相思萬種爲誰顚顚何心妝
倩不合天公賦伊薄命縱伊嬌豔避牆陰一角無人到處又還
被人尋見不願西風寄遠願西風且休搖顚本來是淚那禁

清露撲珠盈臉只顧低頭卻勞蟲語替傳幽怨問花耶是否分明畫出箇人腸斷

清平樂

題詹卿詞藁

愁長春短都付紅牙管已是飛花如雪滿埽了又風吹亂人閒儘有閒情何曾解按簫聲吹出一絲秋氣不知多少聰明

唐多令

同人有看楓之約風雨敗興雨霽而零落矣爲填此解待得放晴耶霜林日已斜卷西風亂落天涯但是紅顏多薄命原不合似桃花埽去向誰家春情供煮茶天公旣是妬妍華自放明霞嬌豔煞何苦染葉如霞

渡江雲

仇實父畫陶淵明歸去來圖

青山千古笑年年望眼望見幾人無一枝鷗外水一葉輕裝人
在義熙初身閒似崔與閒雲照影同孤回首看輓紅塵土飛不
到吾廬如余蓬瀛小住叶便擢歸舟伴孤蒲秋語叶單少卻
梳煙挂月五柳扶疎先生儻許稱同調借圖中添我清臞人縱
淡還思比菊何如

水龍吟

二月十五夜拜紅軒海棠花下拜花

世閒無此娉婷用碧山句對伊不醉何時醉呼來皓月弄嬌移豔滿
庭春碎纔放三分二分如笑一分如睡正東風送煥生香幾點
早飛上詩情嬌不爲酒酣遊戲爲嫣然自消英氣此花以外
問誰消得詩人頂禮醉不須扶一身清露臥花陰裏怕枝頭綻

滿紅情點點化相思淚

月下笛

依白石腔題綠珠吹笛圖

絕代豪華一人擅寵萬花深處茵於受譜按新腔趁雲度春心
吹入湘江竹怎音帶湘娥怨苦料翻風此際愁凝蛾綠淚漬珊
樹歌舞風吹去賸冷落園林燕鶯聲絮梅花瘦管幾番花下
圓聚無情偏是吹樓月向樓角明珠靜吐忍拋箇小宋姬殘譜
細弄秋語

琵琶仙

楊升菴松下煎茶圖裝於升菴所藏唐搨鍾王小楷之
前故定爲升菴像畫無年月款識角鈐用修丙子印斷
爲黃安人作安人工筆札然謹慎雖子弟不得見宜其

不暑歟也庚辰冬日獲觀於錢氏拜紅軒旣爲題識復
填此解

明月飛來甚時得照見歸人顏色離緒分付丹青歸心畫難出
人漸老孤松自媚但凋卻避煙枝碧紗帽盧仝宮袍太白前癡
休說待描箇胡粉蠻花料菰笳聲中鬢添雪還是舊時巾扇
與春風相識招手喚飛鴻下認試寄將錦字消息祇怕南去風
煙片雲無蹟

念奴嬌

臘月十九爲東坡生日祀以酒脯填此侑神

放開雙眼看長空幾箇文星搖曳更一千年逢此夕定有寒芒
飛起大好江山無邊風月何處神游戲棋花來勸一尊遙酹雲
際爲問當代詞人誰堪消受萬古寒香祭死縱得傳傳已死

何況傳人能幾跌宕鶯花流連山水便是神仙計人間天上玉
壺春煥同醉

掃花遊

文與也香影寮凌夏圖與也文肅之孫鶯寄蹟寶慶寺
度夏作圖以遺寺僧

停雲館廢借半塢閒雲自舒清嘯豔易過了看紅消徑暗翠盤
陰老世外秋聲預遣涼颼送到弄珠曉更何處洞天客此孤傲
迴眺秋聲早又瘦了青山綠煙如掃舊遊癡繞賸寒蟬樹樹
曳愁殘照喚取秋燈細與商量畫稟悟微妙在圖中自拈花笑